



-ANOVA anuncia que apoiará [as mobilizacións en Pinzás](#) (Tomiño) e mais [en Santiago de Compostela](#) contr

a explotacións mineiras indiscriminadas

-ANOVA a través do grupo parlamentario de Alternativa Galega de Esquerda (AGE) presentou unha consulta á Xunta de Galicia na que inquire sobre a política que pensa seguir ante a pretensión da multinacional Medgold Resources Copr. Lda., de explotar a ceo aberto varias cuadrículas mineiras na serra da Groba, coa posible destrución e contaminación de grandes extensións deste enclave natural.

Ante a alarma social e a incerteza producida pola intención dunha empresa canadiana, Medgold Resources Corp. Lda., de explotar varias minas de ouro a ceo aberto na serra da Groba (que xa solicitou permiso de investigación e prospección e pagou taxas e impostos), a Asemblea de ANOVA do Val Miñor súmase e apoia os movementos que se están a dar para "parar estas desfeitas promovidas pola Xunta de Galicia", sinalan dende o colectivo nacionalista.

Dende o grupo parlamentar de Alternativa Galega de Esquerda e dende ANOVA preguntouse polo proxecto e polo que a Xunta ten pensado facer ante as pretensións da empresa de explotar a ceo aberto varias cuadrículas mineiras na serra da Groba, o que suporían "a destrución dun grande patrimonio natural e poría en perigo os nacementos de auga, os ríos e as explotacións agrícolas, gandeiras e turísticas da nosa bisbarra", segundo da conta a agrupación nun comunicado.

Os nacionalistas denuncian que a utilización de mercurio, arsénico e cianuro e o seu almacenamento "en balsas xigantescas suporían un grande perigo de contaminación; destruírían grandes extensións de terreo ao mover millóns de toneladas de mineral e

Escrito por Redaccion @valminorinfo
Venres, 31 Maio 2013 09:42

transformarían grandes superficies de paraxes naturais en terras ermas e contaminadas".
Ante estes feitos a Asemblea Val Miñor de ANOVA comunica que decide apoiar a xeira informativo-didáctica do sábado 1 de xuño promovida pola Asociación de Veciños de Pinzás polos lugares onde se prevé facer as primeiras prospeccións, con saída ás 10,00 horas da Casa do Pobo de Pinzás (Tomiño) e tamén a grande manifestación nacional prevista para o domingo 2 de xuño en Santiago, promovida pola plataforma galega CONTRAMINACIÓN